



D'INTERVENCIÓN NA ROBLA DEL ALCUERDU DE CONCERTACIÓN

Avientu de 2021

JOSÉ MANUEL ZAPICO

“Presidente del Principáu. Conseyeres y conseyeros del Gobiernu.

Representantes de la Federación Asturiana d'Empresarios.

Compañeres y compañeros de la Unión Xeneral de Trabayadores y de les Comisiones Obreress d'Asturies.

Bones tardes.

Güei ye un día importante p'Asturies. Cuando se trata de xuntar esfuerzos pola nuesa comunidá, los axentes sociales y económicos, xunto col Gobiernu del Principáu, volvemos a amosar responsabilidá y altor de mires.

Los que roblamos esta concertación tenemos opiniones estremaes en munches coses, discrepancias bultables en dalgunos temes. Defendemos lexítimamente intereses diferentes. Pero deprendimos a dexar de llau lo que nos separa pa buscar el máximu común denominador en beneficiu d'Asturies. Esta concertación ye un nuevu exemplu d'esa voluntá. Asturies tien una llarga trayectoria d'alcuerdos d'esti calter, lo que, merecidamente, llévanos a ser una referencia pa otres autonomíes cuando entamen los sos propios procesos de diálogo social. Esto tien un valir que nun debemos menospreciar, sinón a la escontra, hemos reconocelu dafechu.

Tanto ye asina, que na próxima reforma del Estatutu d'Autonomía, qu'habrá facese efectiva a lo llargo la vixencia de esti pautu, tendría que dáse-y el máximu rangu ilegal al diálogo social n'Asturias, como política vehicular de la nuesa comunidá autónoma. Asina lo decidimos conxuntamente pa que se recueya na Introducción del alcuerdu.

Tres la concertación d'emergencia que soscibimos n'agostu del pasáu añu, pa responder a la estroza de la pandemia, dende la solidaridá y dende lo público, esti alcuerdu ha valir agora p'afitar la recuperación económica, promover el trabayu de calidá, blindar los servicios públicos y la protección social, avanzar con enfotu hacia la igualdá real en tolos ámbitos. Semar les condiciones pa poder recoyer un futuru mejor.

Porque, reconozámilos: vivimos tiempos bien difíciles. Asturies nun xenera riqueza abondo nin la reparte xustamente.

Y ye incapaz d'ufiertar trabayu a decenes de miles de personas que lu necesiten, munches d'elles mozos qu'acaben teniendo qu'emigrar pa buscar lloñe lo que nun alcuentren cerca.

Les seis meses nes que llevamos selmanes trabayando espeyen bien les carencias y necesidaes de la nuesa comunidá.

Na Mesa de Reactivación Económica y Empresarial partimos de la constatación de qu'Asturies lleva décadas en reconversión, perdiendo actividá y empleo. Pa revertilo destínense bien de recursos pa financiar proyeutos empresariales estratéxicos, l'impulsu imprescindible de la I+D+i, el sofitu a les pymes, autónomos y a la economía social. Una rexeneración económica socialmente responsable.

Asturies tien un avieyamientu xabaz. L'últimu padrón diznos que seguimos perdiendo habitantes: 6.992 nel añu caberu. Na Mesa d'Ordenación Territorial y Movilidá, Dixitalización y Retu Demográficu pautamos midíes p'avanzar na movilidá sostenible, pa emburriar l'área metropolitana y fixar población, con sofitu a la xente emprendedora especialmente no rural. Les ayudes al alquiler y la promoción de viviendas sociales serán nesti ámbitu tovía más determinantes pa favorecer les oportunidaes y atayar l'éxodu.





La protección social y los servicios públicos quedaron mui frayaos dende la crisis de 2008, colos brutales recortes del PP y el desgaste inducí pola pandemia. Esto analízose na mesa 3, na que se fexo un apueste pol refuerzu de personal pa l'atención primaria y la meyora xeneral de les infraestructures sanitaries y de servicios sociales; más unidaes escolares y de 0 a 3 años, la dixitalización de les aules, la redución de la interinidá... porque la educación pública y el profesoráu son el motor p'avanzar. Una de les fixaciones del nuesu sindicatu ye qu'Asturies valore asumir la xestión del ingresu mínimo vital, pa que seja eficaz y llogre'l so oxetivu d'atayar la probeza y la desigualdá. La dependencia, con más de dos mil personas na llista d'espera, necesita tamién refuerzu y va tenelu.

L'empléu, la formación y la salú llaboral tratáronse na mesa 4. El desafíu equí ye pergrande, con más de 65.000 personas en paru, un desempléu xuvenil d'escándalu, insuficiente cobertoria por desempléu y una siniestralidá preocupante. Les recetes pautaes céntrense en potenciar la FP y los centros públicos, más planes llocales d'empléu, meyores cobertories pa les personas en paru..., y los esfuerzos que seyan necesarios pa que'l trabayu dexe de costanos la vida.

Tres l'hestóricu llogru, na concertación anterior, de la figura de la delegada y el delegáu d'igualdá nes empresas, la mesa d'Igualdá va dar la medida del nuesu compromisu como sociedá nesta causa tan xusta y apremiante. Darréu d'ello, la llucha pola igualdá salarial, les polítiques de desaniciu del acoso sexual nel trabayu, de coeducación y corresponsabilidá han ser centrales nos dos vinientes años.

El Foru pola Industria tien d'afrontar coles estratexes y midíes alcordaes ún de los mayores retos que tien la comunidá: asegurar la vitalidá de la industria y, al empar, facela más avanzada y sostenible, aprovechando les oportunidaes qu'ufierten los fondos europeos.

Ye verdá, vivimos momentos difíciles. Pero les midíes recoyíes nesti alcuerdu, tán al altor de los retos. Trátase agora de ponelo en práutica.

P'algamalo, el diálogu social ye garantía d'estabilidá y progresu nun país nel que sobra la polarización y ruíu. Les persones, sobre too aquelles que tienen que trabayar pa poder vivir, necesiten soluciones a los sos problemes, midíes concretes y realistes que se puedan aplicar mañana pa mejorar les sos condiciones de vida.

Mentantu qu'otros Gobiernos decidieron, imponer recortes nos derechos llaborales y nel Estáu de bientar, n'Asturias préstanos más xubinos a bordu del diálogu social pa remar hacia una salida xusta d'esta crisis.

Y ye que la clase trabayadora nun dexó de trabayar duramente a lo llargo d'estos meses de insecuridá por esi futuru mejor, esa Asturias mejor. Ye por ello, que quiero finar faciendo equí un agradecimientu fondu a les y los trabayadores de los sectores esenciales. La gran mayoría mujeres, que sufren la precariedá, y qu'agora mesmo tán movilizándose pa reclamar condiciones más dignes.

Y esi ye'l firme compromisu de les Comisiones Obreres, meyorar la vida de les y los trabayadores. Facer un decidíu apueste por una Asturias na que vivir y trabayar y con esti alcuerdu contribuyímos a ello.

Muches gracias".

